



CANTIC SPIRITUEL.

Reformet er blavez 1857,

EN HENOR D'AN ITRON VARIA DEUS AR GOZ-YEAUDET.

251 Ba

Noar ton : Noël, Pastoret.

M'ho suppli, Crouer souveren,
Accordet din ho sclerigen,
Vit composi eur Wers neve
Da henori Princes an Ee.

Ma desir, er memeus amzer,
A zeo celebri, ber a ber,
Eun andret special er vro
Renommet dre he miraclo.

Me gomzo deus eur plaç' santel
Zo situet en traon Léguer,
Consacret d'ar Werc'hez Vari,
Quenta ilis savet dezi.

Hep choqui na laret guevier,
Bars an coz escopti Treguer
Ema an templ ancienna
Gret da Vam Salver ar bed-ma.

Er bla daouzec ha triinguent
Goude maro roue ar sent
A se batisset ar Yeaudet,
Eun henor d'he vam beniguet.

Disquib Joseph Arimathi
Oe quenta escop Lexobi :
Disquen a res en Breis-Izel,
Dre avis eur mignon santel.

Goude beza bet tremenet
Dre Vro-Saoz pe Breiz meur hanvet,
En Montroulez a disquennas,
Ha ker oll a gonvertissas.

An den divin ze Drenalus
A operas, dre c'hraç, Jesus,
Ar gonsersion burzudus-ze,
Hac a blantas êno ar fe.

C'hoas a rès batissa en ker
Da sant Jacques eun ilis caër
Hac en ru ar feunteun ouспен
A res sevel Croas ar Letern.

Lexobi hen clevas neuze
O prezegui lezen Doue,
Graç an Ee, dre he sermonio,
A douche an oll galono.

Goude beza convertisset
Habitantet ar Goz-Yeaudet,
A n'em occup, hep coll amzer,
D'ober construi ilis ker.

Gant joa da escop an Naonet
Pihini oa sant Cler hanvet
A annonç freus he labourio
Bars an faveur an ineo.

Sant Lin, Pontif aniversel
D'ar c'houl-ze er Guer Eternel,
A voe ravisset o clevet
A voa Drenalus er Yeaudet.

Ar guir Doue a revele
D'an tri den santel-ma bemde
Prezegui d'ar bopl he lezen
Hac ar religion g'hristen.

En Rom neuze oa Vitellus
Impalaër ; meurbet furius,
A ré massaci, hep true,
Ar Ghristenien a bep contre.

Goude, var an trôn a bignas
Eun Impaler vertuzus bras ;
Constantin a oa he hano,
Protector doctrin hon Autro.

Cador Sant Per varlerc'h Sant Lin
Oe occupet, de c'hraç divin,
Gant Melchidas, den santel,
Choazet dre urz an Eternel.

Henes a nevoa consacret
Gunaël escop er Yeaudet,
Ha henvel, a res cathedral
Ilis ker d'an esquibien all.

Ar prelat-ma, leun a souci
Deus a ineo Lexobi,
A neveys prestic ordrenet
Consumi an oll idolet.

C'hoas a res cavet en pep ty
Eun imaj deus ar Crucifi,
Re Vari hac an Ebestel,
Ha cals a bortrejo santel,

Nombr a esquibien a neus bet
Conduet pobl ar Goz-Yeaudet :
Daouzec escop ha triinguent,
Herve rapport buez ar sent.

Sant Tual ive gant henor
Pell bras zo bet êno pastor :
Cals a sent a gonter ouспен,
Sant Docmel ha sant Ruellen.

C'hoec'h vla ha triinguent eo bet
Sant Tual escop er Yeaudet ;
Eno eo marvet, a lerer :
Darn a lavar, en Landreguer.

Nebeudic goude he vare,
Dre ma ré leun a viraclo,
He relego so bet savet,
Ha gant eur soign bras conservet.

Pa oe distrujet Lexobi,
Oa Caramus escop enni;
Dec vla ha triuguent, vardro,
A chomas da prelat eno.

An habitantet courajus,
Deus ar guer-ze, dre c'hraç Jesus,
Nao mis crenn a neus repousset
Pevar mil a ennemiet.

Ar re-ma a oa Danoaet
Tout gant Hasterin conduit
Var listri betec Lexobi,
Vit essa hec'h assieji.

Ar chef barbar-ma o velet
Dorojo ker outan serret
Hep moyen da antren enni
A conclu donet d'he dévi.

Bars ar fin an habitantet,
Dre eun danger patant presset,
A n'em rent, hep dont o sonjal
Obten eun tretamant leal.

Mez vén a oe ho esperans,
Rac neuze souden a commans
Ar massacr var ar g'hristenien,
Dre urs an tyrant inhuman.

Ar pillaj a oe general:
Tout met relego sant Tual
A oe savet an tresorio,
Hep respecti an iliso.

Er bla eiz cant c'hoec'h ha tregont,
Sauf da n'em drompa var ma c'hont,
A oe rezet ker Lexobi,
Ha na chomas sort anezi.

Ar relego precius-ze
Da Chartr oe transportet neuze,
Gant an escop fur Caramus,
Dre eur bonheur miraculus.

Prestic gonde an distruj-ze,
Deus a Dol a deu eun arme,
Vit chasseal ar barbare;
Re divezat int n'em gavet.

Caramus souden a varvas
En Franç, ha neuze, a chomas
Vacant siej ar Goz-Yeaudet,
Hac an denved oll desolet.

An prinç Momen, roue en Dol,
Pa vel au dioces o coll,
A hanv Gratien da escop
En Treguer, vit gouarn ar bopl.

Ar prelat neve a c'houlen
Permission digant Momen
Da chanç a blaç d'an escopti,
Pa zeo distrujet Lexobi

He vennat a neus obtenet,
Neuze eo n'em etablisset
En eur gouënt hanvet Trecor,
Batisset var bordie ar mor.

Bars an andret-ze a commans,
Herve an histoar, hep doutans,
Ar guer demeus a Landreguer:
Quement-ze a zo merquet scler

An templ santel er Goz-Yeaudet,
Eun nebeut oe abandonnet;
Mez, dre c'hraç ar Mestr Souveren,
Na oe quet dilest vit biquen.

Rac, dre guir inspiration,
A oe gret ar gonstruction
Demeus eun all en Lexobi,
Consacret d'ar Werc'hez Vari.

Ar Vretonet zo dleourien
D'an escop oa neuze o ren
Demeus a chapel precius
Renouvelet da Vam Jesus.

Eno medi ar guir sourceen:
Ha na disec'ho birviduen,
Eur chån abundant a c'hraço
Vit ar c'horf hac an ineo.

Me na citan miracl ebet
Gret dre Werc'hez ar Goz-Yeaudet:
D'ho rapporti ha d'ho scriwa
Eur mis antier na ve netra.

En he chapel a zo remed,
A dra sûr, vit pep sort clenved,
Vit pep anvoui ha pep danger:
Pep peden vad a exaucer.

Mar ro Doue d'ar c'horf yec'het
Dre c'hraç Itron ar Goz-Yeaudet,
A soulaj c'hoas an ineo;
Effaci ra ar pec'hejo.

Induljanço perpetuel
Zo accordet d'ar plaç santel
A behini dec'h a comzer,
Ha d'ho gonit zo fors amzer.

Var ar poënt-ze ar Goz-Yeaudet
A zo meurbet avantaget;
Hed mis mai a pad ar pardon:
Deomp d'y gant guir devotion.

Ploulec'h, pa zo var ho douar
Eun andret quer dign a vemoar,
Bet bepret fidel da Vari,
Patrones o coz escopti.

Vit meritout he faveurio,
Imitomp oll he vertuio,
Ma vefomp ganti curunet
Eun de en Palez an Drindet!

FIN.